



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCI. Damnatio libri: Traité de la Regale [et]c.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

infrascriptis, videlicet. Mandement de Monseigneur l'Evêque de S. Pons touchant l'acceptation de la Bulle de N. S. P. le Pape Clement XI. sur le cas signé par XL. Docteurs, avec la justification des 23. Evêques, qui voulant procurer la paix à l'Eglise de France en 1667. se servirent de l'expression d'un silence respectueux, pour marquer la soumission qui est due aux décisions de l'Eglise sur les faits non révélés, avec les Moyens de rétablir à présent cette paix. 1706. Nouvelle Lettre de Monseigneur l'Evêque de Saint Pons, qui refuse celle de Monseigneur l'Archevêque de Cambrai touchant l'infailibilité du Pape. 1707. Lettre de Monseigneur l'Evêque de S. Pons à Monseigneur l'Archevêque de Cambrai où il justifie les XIX. Evêques qui écrivirent en 1667. au Pape & au Roy, au sujet des IV. celebres Evêques, de Alet, de Pasvez, de Beauvais, & de Angers. Reponse de Monseigneur l'Evêque de S. Pons à la Lettre de Monseigneur l'Archevêque de Cambrai. Illi vero tametsi hujus Sanctæ Sedis auctoritate prohibiti, atque damnati, adhuc præsertim apud Gallos, non sine bonorum indignatione, & pusillorum scandalo, atque animarum periculo palam in vulgus spargantur, quemadmodum ad Apostolatus nostri Notitiam plurimorum querela delatum fuit. Nos auditis desuper nonnullorum ex Venerabilibus Fratribus nostris S. R. E. Cardinalibus, plurimque in Sacra Theologia Magistrorum, qui rem mature, ac diligenter discussissent sententiis pro commissa Nobis ab æterno Pastore gregis sui cura, Dominicas oves, quantum Nobis ex alto conceditur, a noxiis præservare cupientes, de memoratorum Cardinalium consilio libellos supradictos, & eorum quemlibet, utpote continentés doctrinas, & propositiones falsas, perniciosas, scandalosas, sediciofas, temerarias, schismaticas, erroneas, atque hæresim respectivé sapiens, necnon in apertam fraudem, & elusionem Constitutionis ad extirpandam penitus Janfenianam hæresim a Nobis novissime editæ manifeste tendentes, sub superius expressis aliisque quibuscumque titulis, ubicumque, & quocumque alio idiomate, seu quavis editione, & versione hucusque impressos, ac manu descriptos, aut, quod absit, in posterum imprimendos, & describendos auctoritate Apostolica, tenore præsentium denuo damnamus, & reprobamus, ac legi, & retineri prohibemus; ipsorumque libellorum, & eorum cujuslibet impressionem, descriptionem, lectionem, retentionem, & usum omnibus, & singulis Christianis, etiam specificis, & individua mentione, & expressione dignis sub pœna excommunicationis per contrahentes ipso facto, & absque alia declaratione incurrenda, a qua nemo per quemquam, nisi per Nos, aut Romanum Pontificem pro tempore existentem, præterquam in mortis articulo constitutus absolvi possit, omnino interdiciamus: Volentes, & auctoritate præfatæ mandantes, ut quicumque libellos prædictos, vel aliquem illorum penes se habuerint, illos, seu illum statim atque præsentés literæ eis innotuerit, locorum Ordinariis, vel hæreticæ pravitatis Inquisitoribus deferat. Qui autem venerabili fratri Episcopo S. Pontii subsunt, Metropolitanano, aut uni ex Viciniis Episcopis tradere, atque consignare teneantur, hi vero exemplaria sibi sic tradita, illico flammis aboleri curent. In contrarium facientibus non obstantibus quibuscumque.

Cause novæ damnationis reatorum libellorum.

Damnatio, & prohibitio novæ eorumdem, cum censura, & mandato illos tradendi Ordinariis, vel Inquisitoribus.

Clausula cum comminatione penarum in auctorem.

§. 1. Cæterum contra Authorem libellorum eorumdem pro tradita a Nobis divinitus suprema pastoralis officii potestate in promptu habentes, secundum Apostolum ulcisci omnem inobedientiam, & destruerè omnem altitudinem extollente se adversus scientiam Dei, procedere intendimus, prout Juris fuerit juxta Canonicas Sanctiones.

§. 2. Ut autem eadem præsentés literæ ad omnium notitiam facilius perducantur, nec quif-

quam illarum ignorantiam allegare possit, volumus, & auctoritate præfata decernimus, illas ad valvas Basilicæ Principis Apostolorum ac Cancellariæ Apostolicæ necnon Curie generalis in Monte Citorio, ac in acie Campi Floræ de Urbe per aliquem ex Curforibus nostris, ut moris est, publicari, illarumque exempla ibidem affixa relinqui, itaut sic publicatæ omnes, & singulos, quos concernunt, perinde efficiant, ac si unicuique illorum personaliter notificatæ, & intimatæ fuissent.

§. 3. Ipsarum autem literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eandem prorsus fidem ubique locorum tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die X. Januarii MDCCX. Pontificatus nostri Anno Decimo.

Damnatur, & prohibetur liber sub tit. *Traité de la Regale &c.*

Const. præcedenti damnati fuere libelli Episcopi S. Pontii, & Const. ed. 1710. Feb. 17. P. 10. damnatur liber: Ragioni a pro della Città di Napoli &c.

CLEMENS PAPA XI.

Ad perpetuam rei memoriam.

CUM sicut ad Apostolatus nostri notitiam pervenit, in lucem prodierit liber quidam Gallico idiomate editus, cui Titulus: *Traité de l'origine de la Regale, & des Causes de son établissement, par M. Gaspard Audant Avocat au Parlement, & au Conseil du Roy, & de Monseigneur le Duc d'Orleans. A Paris 1708.* In quo ejus Author non modo antiquum illum usum percipiendi, seu potius custodiendi fructus quarundam vacantium Ecclesiarum, quem Jus Regaliæ nuncupant in omnibus Regni Galliarum Ecclesiis, adeoque etiam in illis, quæ tempore celebris Constitutionis in Generali Concilio Lugdunensi secundo editæ ejusmodi oneri minime erant obnoxia, non tam contra ipsius Concilii Decreta, quam contra fatis omnibus notam ea in re Apostolicæ Sedis mentem, locum sibi vindicare contendit, sed quod prorsus intolerandum est ausu non minus Nobis, quam se. re. Alexandri VIII. & Innocentii XII. Romanis Pontificibus Prædecessoribus nostris injurioso, Universalem juris Regaliæ usum hujusmodi quem re. me. Innocentius Papa XI. etiam Prædecessor noster omni humano, divinoque Juri contrarium esse censuit, ab iis, qui eidem Innocentio Prædecessori successerunt, veluti Justitiæ consonum agnatum fuisse falso, æque, ac temere affirmare non erubescit.

§. 1. Nos librum hujusmodi nonnullis ex venerabilibus fratribus nostris S. R. E. Cardinalibus, aliisque in Sacra Theologia Magistris examinandum commisimus, qui illum subinde utpote continentem, præter præmissa, etiam quamplura alia asserta manifeste falsa, contumeliosa, Ecclesiasticæ Immunitati Dei ordinatione, & Canonicis Sanctionibus constitutæ adversantia, impia, temeraria, erronea, atque etiam hæresim respectivé sapientia, damnandum, & prohibendum esse unanimiter censuerunt. Auditis itaque eorumdem Cardinalium, & Magistrorum sententiis, creditum Nobis a Domino pastoralis curæ, atque vigilantie munus, quantum Nobis ex alto conceditur salubriter exequi cupientes, de

XCI.

Dat. 18. Jan. 1710. An. 10.

Libri titulus, & ejus damnationis causa.

Libri Censura.

ipforum

1710.
Damnatio
& prohibi-
tio d. Libri.

ipforum Cardinalium consilio, librum prædic-
tum auctoritate Apostolica tenore præsentium
damnamus, & reprobamus, ac legi, seu retine-
ri prohibemus, ipsiusque libri impressionem, des-
criptionem, lectionem, retentionem, & usum
omnibus, & singulis Christianis etiam speci-
fica, & individua mentione, & expresse dig-
nis, sub penis excommunicationis per contra-
facientes ipso facto absque alia declaratione, in-
currenda, a qua nemo a quoquam (præterquam
a Nobis, seu Romano Pontifice pro tempore
existente) nisi in Mortis Articulo constitutus ab-
solutiois beneficium valeat obtinere, omnino
interdicimus. Volentes, & eadem Auctoritate
mandantes, ut quicumque librum huiusmodi
penes se habuerint, vel in futurum quandocum-
que habebunt, illum statim, atque præsentem li-
teræ eis innotuerint, locorum Ordinariis, vel
hæreticæ pravitatis Inquisitoribus tradere, atque
consignare teneantur, hi vero exemplaria sibi
sic tradita illico flammis aboleri curent. In con-
trarium facientibus non obstantibus quibuscum-
que.

Clausulæ.

§. 2. Ut autem eadem præsentem literæ omni-
bus facilius innotescant, nec quisquam illarum
ignorantiam allegare possit, volumus, & aucto-
ritate prædicta decernimus illas ad valvas Basilicæ
Principis Apostolorum ac Cancellariæ Apostolicæ
nec non Curie Generalis in Monte Citatorio,
ac in Aciæ Campi Floræ de Urbe per aliquem ex
Curforibus nostris, ut moris est publicari, illarum-
que exempla ibidem affixa relinqui, ita ut sic
publicatæ omnes, & singulos, quos concernunt
perinde afficiant, ac si unicuique illorum perso-
naliter notificatæ, & intimatæ fuissent. Ipsarum
autem literarum transcriptus, seu exemplis, etiam
impressis manu alicujus Notarii publici subscrip-
tis, & sigillo personæ in Ecclesiastica dignitate
constitutæ munitis, eandem prorsus fidem tam in
iudicio, quam extra illud ubique locorum haberi,
quæ haberetur ipsis præsentibus si forent ex-
hibita, vel ostensa.

Datum Romæ apud Sanctum Petrum sub An-
nulo Piscatoris die XVIII. Januarii MDCCLX. Pon-
tificatus Nostri Anno Decimo.

XCII.

Conceditur Alternativa Tripartita in Electione
Correctoris, Collegarum, & Definitorum in
Provincia Messanen. Fratrum Minorum Sancti
Francisci de Paula.

Clem. X. Const. ed. 1670. Aug. 13. P. 1. concessum
fuit suffragium Pontificis Constit. ed. 1717. Augu-
sti 12. P. 17. agitur de suffragio Exprovincialium.

Dat. 6. Febr.
1710. An. 10.

CLEMENS PAPA XI.

Ad futuram rei memoriam.

Exordium.

Pastoralis Officii, quod Authore Deo geri-
mus, cura animum nostrum sollicitat, ad
ea peculiari paternæ charitatis studio statuen-
da, quæ per Christianis divinis obsequiis sub
suavi Religionis iugo mancipatorum quieti, &
fælici regimini opportunis rationibus salubriter
consultatur.

A Provincia
petita fuit al-
ternativa inter
Fratres
Vallis Neti,
& Vallis De-
monis.

§. 1. Alias siquidem per dilectos filios fratres
Vallis Neti nuncupatos Provinciæ Messanen. Or-
dinis Sancti Francisci de Paula Minorum Nun-
cupatorum Nobis supplicato, ut quamdam Al-
ternativam in electione Correctoris Provincialis
dictæ Provinciæ inter Fratres Conventuum dictæ
Vallis, & Vallis Demonis nuncupat. Provinciæ,
& Ordinis prædictorum concederemus. Nos sup-
plicem libellum Nobis super præmissis porrectum
ad Congregationem Ven. Fratrum nostrorum
S. R. E. Cardinalium negotiis, & consultationi-

bus Episcoporum, & Regularium præpositam rem-
issimus, ipsa vero Congregatio Cardinalium
eundem supplicem libellum ad Venerabilem Fra-
trem modernum Archiepiscopum Panormitan. pro
informatione, & voto transmisit, qui quidem
Archiepiscopus ad occurrendum inordinationi-
bus, quæ occasione electionis Correctoris Pro-
vincialis huiusmodi oriebatur, ne illius officium
penes Fratres Conventus Mylarum perpetuo re-
maneret, censuit Alternativam huiusmodi tripar-
tite concedendam esse, & ad hunc effectum
quandam Conventuum repartitionem fecit, assi-
gnando eisdem Fratribus Vallis Neti, Conventus
Cathaniæ, Syracusan., Augustæ, Leontinenfis,
Vizzini, Calatagironensis, Mellitellensis, Vi-
ctoriæ, Neti, Terræ novæ, & Syclensis; Fra-
tribus vero districtus Messanen., Conventus Mes-
sanen., Castanæ, Scalanen., Taurominæ, Lin-
guæ grossæ, & Randiatens., ac demum fratri-
bus Plani Mylarum Conventus Mylaytar., Montis
fortis, S. Petri, S. Angeli, Condronensis, & Gipsen-
sis, addens, quod in primo Capitulo Provinciali
celebrando electio de persona Religiosi Con-
ventus Vallis Neti, & subinde modo recensito alterna-
tim fieri deberet. Audiroque postmodum ab eam-
dem Congregatione Cardinalium dilecti filii Mo-
derna Procuratoris Generalis voto, die 26. Augu-
sti 1707. rescripsit, ut ad Capitulum Provinciale
recurrerent, & postea supplicarent; Cum autem
die 29. Septembris ejusdem anni Capitulum Pro-
vinciale celebratum fuisset, Fratres Capitulares in
eo legitime congregati; præmissa vera esse con-
siderantes, eidem Congregationi Cardinalium
pro concessione ejusmodi Alternativæ tripartitæ,
juxta votum memorati Archiepiscopi, ita scilicet
ut in primo memoratus Corrector Provincialis
e Fratrum Vallis Neti nempe Cathaniæ, Syracusan.,
Augustæ, Leontinen., Vizzini, Calatagironensis,
Mellitellensis, Victoriæ, Terræ novæ, Nerenfis,
& Siclensis, in Secundo e fratrum Messanen.,
Castanensis, Scalatensis, Taurominensis,
Linguæ grossæ, & Randiatensis, & in tertio
Capitulo Provinciali dictæ Provinciæ successive
celebrando e fratrum Mylaytani, Montis fortis,
Gipsensis, Sancti Petri Condronensis, & S. Angeli
respective Conventibus Provinciæ, & Ordinis
prædictorum, tres vero Collegæ dicti Capituli
Provincialis, unus e Vallis Neti, alter vero ex
districtu Messanen., ac reliquus ex Plani Mylarum
Conventibus eligi deberent, & id ipsum in
Electionibus sex Definitorum servandum sit.

§. 2. Quare dicti Exponentes Nobis humiliter
supplicari fecerunt, ut in præmissis opportune
providere, & ut infra indulgere de benignitate
Apostolica dignaremur.

§. 3. Nos igitur dictos Exponentes specialibus
favoribus, & gratis prosequi volentes, & eorum
singulares personas a quibusvis excommunicationis,
suspensionis, & interdicti, aliisque
Ecclesiasticis sententiis, censuris, & penis a
jure, vel ab homine quavis occasione, vel causa
latis, si quibus quomodolibet innodatæ existunt
ad effectum præsentium dumtaxat consequendum
harum serie absolventes, & absolutas fore
censentes, huiusmodi supplicationibus inclinati,
de memoratorum Cardinalium, qui relationem
prædicti Archiepiscopi ad eosdem Cardinales
super præmissis transmissam audiverunt, consilio,
eisdem Exponentibus petito Indultum Alternativæ
tripartitæ in omnibus juxta petita a memorato
Capitulo Provinciali concedimus; salva tamen
semper in præmissis auctoritate prædictæ
Congregationis Cardinalium.

§. 4. Decernentes ipsas præsentem literas
semper firmas, validas, & efficaces existere, &
fore, suosque plenarios, & integros effectus
fortiri, & obtinere, ac illis, ad quos spectat,
& pro tempore spectabit in omnibus, & per om-

Sed ab Archiepiscopo
Panormitano
approbata
fuit alternati-
va inter Fra-
tres Vallis
Neti, Distri-
ctus Messanen., & Plani
Mylarum.

Forma dictæ
tripartitionis.

Et a Capitulo
Provinciali
ann. 1707.
alternativa
tripartita ne-
dum quoad
electionem
Correctoris,
sed etiam
Collegarum,
& Definitorum.

Preces Fra-
trum Provin-
ciæ.

Concessio
præalternati-
væ tripartitæ
e Capitulo
Provinc. pro-
positæ.

Clausulæ.